

ხელშეკრულება
სახელმწიფო შესყიდვის შესახებ №230

ქ. ბათუმი

7 ივლისი 2017 წელი

ერთის მხრივ, აჭარის ა.რ. მთავრობის საქვეუწყებო დაწესებულება-საავტომობილო გზებისა და სამელიორაციო სისტემების მართვის დეპარტამენტი (ქ. ბათუმი, ჯავახიშვილის ქ. #72ა), წარმოდგენილი უფროსის არჩილ ჩიქოვანის სახით, შემდგომში „შემსყიდველი“, მეორეს მხრივ, შ.პ.ს „ექსიმ ტრაფიკი“ (ქ. თბილისი, მტკვრის მარცხენა სანაპირო 17/6) წარმოდგენილი დირექტორის კახა კახიძის სახით, შემდგომში „მიმწოდებელი“, „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ე“ ქვეპუნქტის შესაბამისად დებენ წინამდებარე ხელშეკრულებას შემდეგზე:

1. ხელშეკრულების საგანი


- 1.1. წინამდებარე ხელშეკრულების საგანს წარმოადგენ საგზაო ნიშნების (CPV კოდი 34900000) გამარტივებული ელექტრონული ტენდერის (SPA170007811 07.06.2017წ) შესაბამისად მიწოდება, შემდგომში „საქონელი“.
- 1.2. ფასების ცხრილი თან ერთვის, რომელიც წარმოადგენს ხელშეკრულების განუყოფელ ნაწილს.
- 1.3. მიმწოდებელი აწოდებს საქონელს, ხოლო შემსყიდველი იღებს საქონელს და ახდენს მისი ღირებულების ანაზღაურებას წინამდებარე ხელშეკრულების 2.3 პუნქტის შესაბამისად.
- 1.4. წინამდებარე ხელშეკრულება არეგულირებს ურთიერთობებს, რომელიც წარმოიშობა მხარეთა შორის.

2. ღირებულება და ანგარიშსწორების წესი

- 2.1. მთლიანი სახელშეკრულებო თანხა შეადგენს - 14 690 (თოთხმეტიათას ექვსასოთხმოცდაათი) ლარს.
- 2.2. საქონელის ღირებულებაში შედის საქართველოს კანონმდებლობით გათვალისწინებული ყველა გადასახადი და მოსაკრებელი, რომელთა გადახდაზე პასუხისმგებელია მიმწოდებელი.
- 2.3. შემსყიდველის მიერ მიღებული საქონელის ანაზღაურება მოხდება უნაღდო ანგარიშსწორების წესით, მიმწოდებლის მიერ საქონლის სრულად მოწოდების შემდეგ, მიღება-ჩაბარების აქტის გაფორმების, შესაბამისი სასაქონლო ზედნადების და ანგარიშგაქტურის წარმოდგენიდან არაუგვიანეს 10 (ათი) სამუშაო დღის განმავლობაში.
- 2.4. იმ შემთხვევაში, თუ განსაზღვრული გარემოებების გამო მიმწოდებლის მიერ მოსაწოდებელი საქონლის ღირებულებამ არ შეადგინა ამ ხელშეკრულებით გათვალისწინებული თანხა, შემსყიდველი აუნაზღაურებს მიმწოდებელს მის მიერ ფაქტობრივად მოწოდებული საქონლის ღირებულებას ამ ხელშეკრულებით განსაზღვრული ერთეული ფასების შესაბამისად. აღნიშნულიდან გამომდინარე მიმწოდებელს არ უნდა გააჩნდეს პრეტენზია აუთვისებელ მოცულობების შესრულებაზე და მის გადახდაზე.
- 2.5. შემსყიდველი უფლებამოსილია, ხელშეკრულებით გათვალისწინებული პირობების დარღვევის გამო დაკისრებული ჯარიმა ან/და პირგასამტეხლო (ასეთის არსებობის შემთხვევაში) დაუკავოს (გამოუქვითოს) მიმწოდებელს ასანაზღაურებელი თანხიდან და გადარიცხოს ბიუჯეტის შესაბამის ანგარიშზე.

3. გარანტია და საქონლის შესაბამისობა.

- 3.1. მიწოდებული საქონელი უნდა შეესაბამებოდეს შემსყიდველის მოთხოვნებს, ხარისხობრივ მონაცემებს და პასუხობდეს ამ სფეროში არსებულ სტანდარტებს.
- 3.2. მიმწოდებელი იძლევა გარანტიას, რომ მიწოდებული საქონელი მისი ესპეკულაციის ნორმების დაცვის შემთხვევაში, არ გამოავლენს დეფექტებს.
- 3.3. საქონლის მიწოდების დროს დეფექტის აღმოჩენის შემთხვევაში, მიმწოდებელი ვალდებულია შეტყობინებოს



[Handwritten signature in blue ink]

[Handwritten signature in blue ink]

მიღებიდან არაუგვიანეს 5 კალენდარული დღისა განახორციელოს წუნდებული საქონლის შეცვლა შემსყიდველის მხრიდან რაიმე დამატებითი დანახარჯის გაწევის გარეშე.

4. შესყიდვის ობიექტის მიღება-ჩაბარების წესი

4.1. შემსყიდველმა უნდა შეამოწმოს მიწოდებული საქონელი ხელშეკრულების პირობებთან მიმართებაში.

4.2. შესყიდვის ობიექტის მიღებაფორმდება მიღება-ჩაბარების აქტით შემსყიდველისა და მიმწოდებლის უფლებამოსილი წარმომადგენლების ხელმოწერით. საქონელი ჩაითვლება მიღებულად მიღება-ჩაბარების აქტის გაფორმების, სასაქონლო ზედნადებისა და ანგარიშფაქტურის წარმოდგენის შემდეგ. მიმწოდებელი ვალდებულია ანგარიშფაქტურაზე მიუთითოს წინამდებარე ხელშეკრულების ნომერი. წინააღმდეგ შემთხვევაში შემსყიდველს უფლება აქვს არ მიიღოს ანგარიშფაქტურა.

4.3. საქონელი ჩაითვლება მიღებულად მხოლოდ ფაქტიური მიწოდების შემდეგ.

4.4. საქონელის მიღება-ჩაბარებას განახორციელებს დეპარტამენტის მატერიალური რესურსებისა და მექანიზაციის განყოფილება.

4.5. საქონლის ან მისი ნაწილის მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

4.6. შემსყიდველი ვალდებულია ოპერატიულად, წერილობითი სახით აცნობოს მიმწოდებელს საბოლოო შემოწმების შედეგები დაწუნებული საქონლის რაოდენობის და წუნდების მიზეზის მითითებით.

5. მხარეთა უფლება-მოვალეობანი

5.1. შემსყიდველი და მიმწოდებელი მოქმედებს „სახელმწიფო შესყიდვების შესახებ“ საქართველოს კანონის სრული დაცვით.

5.2. შემსყიდველი ვალდებულია:

ა) მიმწოდებელს წინასწარ გააცნოს ყველა იმგარემოების შესახებ, რომელიც შეიძლება წარმოიშვას ხელშეკრულებით გათვალისწინებული მიწოდების განხორციელებისას.

ბ) ხელშეკრულებით გათვალისწინებული საქონლის სრული მიწოდების შემდეგ, სასაქონლო ზედნადების, ანგარიშფაქტურის წარმოდგენის და მიღება-ჩაბარების აქტის გაფორმებიდან არაუგვიანეს 10 სამუშაო დღისა მოახდინოს მიმწოდებელთან ანგარიშსწორება.

გ) მიმწოდებელს აუნაზღაუროს ამ ხელშეკრულებით გათვალისწინებული პირობებით სახელმწიფო შესყიდვის სრული ღირებულება, საქონელის მიწოდების დასრულებისთანავე.

5.3. შემსყიდველს უფლება აქვს:

ა) განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე.

ბ) საქართველოს კანონმდებლობის შესაბამისად შეაჩეროს ან შეწყვიტოს სახელმწიფო შესყიდვის შესახებ დადებული ხელშეკრულების მოქმედება.

5.4. მიმწოდებელი ვალდებულია:

ა) დაიცვას ხელშეკრულებით გათვალისწინებული ყველა პირობა.

ბ) მიაწოდოს დეპარტამენტს ხელშეკრულებით გათვალისწინებული საქონელი ხელშეკრულების გაფორმებიდან არაუგვიანეს 25 კალენდარული დღისა.

გ) მიაწოდოს შემსყიდველს ხელშეკრულებით გათვალისწინებული საქონელი ქ. ბათუმი, კოწია ერისთავის ქ. 4ა. საკუთარი ძალებით უზრუნველყოს საქონლის ტრანსპორტირება და ჩამოცლა დანიშნულების ადგილზე.

დ) ქარხნული წუნის აღმოჩენის შემთხვევაში, მოახდინოს საქონლის შეცვლა დეპარტამენტის წერილობითი შეტყობინებიდან არაუგვიანეს 5 კალენდარულ დღეში.



5.5. მიმწოდებელს უფლება აქვს:

ა) მოსთხოვოს შემსყიდველს მიწოდებული საქონელი სდირებულების ანაზღაურება ხელშეკრულებით გათვალისწინებული პირობებით.

6. ხელშეკრულების შეწყვეტა

6.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარეს შეუძლია მიიღოს გადაწყვეტილება ხელშეკრულების მოქმედების შეწყვეტის შესახებ, რაზედაც აცნობებს მეორე მხარეს წერილობითი ფორმით.

6.2 ხელშეკრულების ცალკეული პირობების მოქმედების შეწყვეტა არ ათავისუფლებს მეორე მხარეს დანარჩენი ვალდებულებების შესრულებისაგან.

6.3 ხელშეკრულების შეწყვეტის გაფორმება ხდება ორმხრივი შეთანხმებით, დანართის ფორმით, მაგრამ შეუთანხმებლობის შემთხვევაში მხარეებს უფლება აქვთ გამოიყენონ ხელშეკრულების ცალმხრივად (წერილობითი ფორმით) შეწყვეტის შესაძლებლობა.

6.4 შემსყიდველი უფლებამოსილია ვადამდე ცალმხრივად შეწყვიტოს ამ ხელშეკრულების მოქმედება, თუ:

ა) მიმწოდებელი არღვევს ამ ხელშეკრულების პირობებს (არ ასრულებს ან არაჯეროვნად ასრულებს).

ბ) მიმწოდებლის მიმართ მიმდინარეობს გაკოტრების საქმე (მიუხედავად მისი დაწყების დროისა);

გ) მიმწოდებლის ქონებას დაედო ყადაღა;

დ) მიმდინარეობს მიმწოდებლის რეორგანიზაცია, თუ ეს გარემოება ზეგავლენას ახდენს ან შესაძლებელია მოახდინოს ხელშეკრულების ჯეროვან შესრულებაზე;

ე) მიმწოდებლის მიმართ დაკისრებული პირგასამტეხლოს ოდენობამ გადააჭარბა ხელშეკრულების ღირებულების 2%-ს;

ვ) ხელშეკრულების გაფორმების შემდეგ, შემსყიდველისათვის ცნობილი გახდა, რომ მიმწოდებელმა ხელშეკრულების დადების მიზნით ჩაიდინა არაკეთილსინდისიერი ქმედება.

ზ) საქართველოს კანონმდებლობით განსაზღვრულ სხვა შემთხვევაში.

7. მხარეთა პასუხისმგებლობა

7.1. ხელშეკრულების პირობების შეუსრულებლობის ან არაჯეროვნად შესრულებისათვის ან/და ხელშეკრულების შეწყვეტის შემთხვევაში მიმწოდებლის მიზეზით, მიმწოდებელი ვალდებულია შემსყიდველის მოთხოვნისთანავე გადაუხადოს პირგასამტეხლოს სახით ხელშეკრულების ღირებულების 5% არაუგვიანეს 10 საბანკო დღის განმავლობაში.

7.2. შემსყიდველი კისრულობს ვალდებულებას გადაუხადოს მიმწოდებელს პირგასამტეხლოს სახით ანგარიშსწორების ვადების დარღვევისათვის გადასახდელი თანხის 0,2 % ყოველი ვადაგადაცილებული დღისათვის.

7.3. მიმწოდებელი კისრულობს ვალდებულებას გადაუხადოს შემსყიდველს პირგასამტეხლოს სახით საქონლის მიწოდების ვადების დარღვევისათვის შეუსრულებელი ვალდებულების (მიუწოდებელი საქონლის) 0,2%-ის ოდენობით ყოველი ვადაგადაცილებული დღისათვის.

7.4. იმ შემთხვევაში, თუ ვადების გადაცილებით გადახდილი (ან გადასახდელი) პირგასამტეხლოს მთლიანი თანხა გადააჭარბებს ხელშეკრულების ჯამური ღირებულების 2%-ს, შემსყიდველი უფლებამოსილია შეწყვიტოს ხელშეკრულება.

7.5. ჯარიმისა და პირგასამტეხლოს გადახდა არ ათავისუფლებს მხარეებს ხელშეკრულებით ნაკისრი ვალდებულებების შესრულებისაგან.

მუხლი 8. ხელშეკრულების შესრულების გარანტია.

არ მოითხოვება.



9. ხელშეკრულების შესრულების კონტროლი

- 9.1. შემსყიდველს ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულებაზე.
- 9.2. მიმწოდებელი ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.
- 9.3. ამ მუხლის არც ერთი პუნქტი არ ათავისუფლებს მიმწოდებელს მოცემული ხელშეკრულების გარანტიისა ან სხვა ვალდებულებებისაგან.
- 9.4. ხელშეკრულების პირობების შესრულების მიმდინარეობის კონტროლი ევალება დეპარტამენტის მატერიალური რესურსებისა და მექანიზაციის განყოფილებას, ხოლო საერთო კონტროლს განახორციელებს დეპარტამენტის უფროსის დარგის კურატორი მოადგილე.

10. ფორს-მაჟორი

- 10.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორსმაჟორული გარემოების შედეგი.
- 10.2. ამ მუხლის მიზნებისათვის “ფორსმაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და ან მიმწოდებლის შეცდომებსა და დაუდევრობასთან.
- 10.3. ის მხარე, რომელიც ხელშეკრულების 10.1 პუნქტით გათვალისწინებული შემთხვევების გამო ვერ ასრულებს ხელშეკრულებით ნაკისრ ვალდებულებას, ვალდებულია დაუყოვნებლივ წერილობით აცნობოს მეორე მხარეს ნაკისრი ვალდებულებების შეუსრულებლობის გამომწვევი მიზეზებისა და მისი შესაძლო ხანგრძლივობის შესახებ, ხოლო შეტყობინებიდან არაუგვიანეს 5 სამუშაო დღისა წარმოადგინოს ცნობა შესაბამისი კომპეტენტური ორგანიზაციიდან (ასეთის არსებობის შემთხვევაში), რომელიც დაადასტურებს წერილში მოყვანილ გარემოებებს.
- 10.4. ხელშეკრულების 10.3 პუნქტით გათვალისწინებული პირობების დაცვის შემთხვევაში მხარეები უფლებამოსილი არიან გადახედონ ხელშეკრულების პირობებს და შეიტანონ მასში შესაბამისი ცვლილება ვალდებულების შესრულების ვადის გაგრძელებასთან დაკავშირებით ან/და (სათანადო არგუმენტაციის საფუძველზე) ვადამდე შეწყვიტონ ხელშეკრულება.

მუხლი 11. სხვა პირობები

- 11.1. წინამდებარე ხელშეკრულების არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.
- 11.2. მესამე პირებთან ურთიერთობაში მხარეები მოქმედებენ თავიანთი სახელით, ხარჯებითა და რისკით.
- 11.3. ნებისმიერი გადახრა ან ცვლილება ამ ხელშეკრულების პირობებში დაიშვება მხოლოდ ორივე მხარის მიერ ხელმოწერილი წერილობითი შესწორებების საფუძველზე.
- 11.4. იმ შემთხვევაში, თუ სამუშაოების შესრულების დროს ამ ხელშეკრულების ღირებულებისა და ანგარიშსწორებიდან გამომდინარე, ან რაიმე წინასწარ გაუთვალისწინებელი მიზეზის გამო წარმოიშვა ხელშეკრულების პირობების შეცვლის აუცილებლობა, მათ შორის ფასების გადასინჯვის შესაძლებლობა, ასეთი ცვლილებები დასაშვებია წინამდებარე ხელშეკრულების საერთო შინაარსის ფარგლებში და ცვლილებების შეტანის ინიციატორი მხარე ვალდებულია წერილობით შეატყობინოს მეორე მხარეს შესაბამისი დასაბუთებული ინფორმაცია.
- 11.5. ნებისმიერ ცვლილება, რომელსა მოჰყვება ხელშეკრულების ფასის გაზრდა ან შემსყიდველისათვის პირობების

გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

11.6. წინამდებარე ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

11.7. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, დეპეშის, ტელექსის, ფაქსის სახით ან ელექტრონული ფოსტით (სკანირებული PDF ფორმატში) ორიგინალის შემდგომი წარმოდგენით, წინამდებარე ხელშეკრულებაში მითითებული მეორე მხარის მისამართზე.

11.8. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

11.9. მხარეთა შორის წარმოშობილი სადავო საკითხები წყდება ურთიერთშეთანხმებითა და მოლაპარაკებების გზით; იმ შემთხვევაში, თუ შემსყიდველი და მიმწოდებელი მოლაპარაკებების დაწყებიდან 10 დღის განმავლობაში ვერ მიაღწევენ შეთანხმებას, მხარეებს უფლება აქვთ მიმართონ სასამართლოს საქართველოს მოქმედი კანონმდებლობით დადგენილი წესით.

11.10 ხელშეკრულება შედგენილია ქართულ ენაზე სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან: ორი ეგზემპლარი შემსყიდველთან, ხოლო ერთი - მიმწოდებელთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

11.11. რეკვიზიტები, ფასების ცხრილი და სხვა დოკუმენტაცია თან ერთვის და წარმოადგენს წინამდებარე ხელშეკრულების განუყოფელ ნაწილს.

მუხლი 12. ხელშეკრულების მოქმედების ვადა

12.1. საქონლის მიწოდების ვადა ხელშეკრულების დადებიდან - 2017 წლის 1 აგვისტომდე.

12.2 ხელშეკრულების მოქმედების ვადა განისაზღვრება ხელშეკრულების ხელის მოწერის დღიდან (თუ სხვა კონკრეტული ვადა არ არის განსაზღვრული), მხარეთა მიერ ნაკისრი ვალდებულებების სრულ და ჯეროვან შესრულებამდე, 2017 წლის 30 სექტემბრის ჩათვლით.

მუხლი 14. მხარეთა იურიდიული მისამართები და რეკვიზიტები

„შემსყიდველი“

ქ. ბათუმი ჯავახიშვილის №72ა

აჭარის ა.რ. მთავრობის საქვეუწყებო-

დაწესებულება საავტომობილო გზებისა და

სამელიორაციო სისტემების მართვის

დეპარტამენტი

ანგარიშის №- GE62TB7901736010100015

საიდენტიფიკაციო კოდი: 245 538 333

მიმღები ბანკი: ს.ს. „თიბისი ბანკი“

ბანკის კოდი: TBCBGE22

დეპარტამენტის უფროსი:

არჩილ ჩიქოვანი



„მიმწოდებელი“

შ.პ.ს „ექსიმ ტრაფიკი“

ქ. თბილისი, მტკვრის მარცხენა სანაპირო 17/6

საიდ. კოდი: 402 047 218

მიმღები ბანკი: ს.ს. „თიბისი ბანკი“

ბანკის კოდი: TBCBGE22

ანგარიშის #

GE43TB7257936080100005

დირექტორი:

კანა კახიძე

რეკვიზიტები:

1. ხელმძღვანელის სახელი და გვარი- კახა კახიძე
2. ბანკის დასახელება - თიბისი ბანკი
3. ბანკის კოდი - TBCBGE22
4. ანგარიშის ნომერი - GE43TB7257936080100005

პრეტენდენტის ხელწერა და ბეჭედი: კახა კახიძე

A handwritten signature in blue ink, appearing to read 'Kakha Kakidze', with a long horizontal stroke extending to the left.

ფასების ცხრილი (საგზაო ნიშნები)

დანართი #1

№	დასახელება	ტექნიკური მახასიათებლები შემსყიდველის მონაცემებით	ტექნიკური მახასიათებლები პრეტენდენტის მიერ შემოთავაზებული	წარმოშობის ქვეყანა, მწარმოებელი კომპანია.	განზომილების ერთეული	რაოდენობა	ერთეულის ფასი	სულ თანხა	შენიშვნა (საგზაო ნიშნების ვიზუალური მხარე)
1	2	3	4	5	6	7	8	9	10
1	საგზაო ბოძი	მასალა - პლასტმასი, წონა 4,5კგ ± 0,5კგ ზომა (ø) 60X1100 მმ	მასალა - პლასტმასი, წონა 4,5კგ ზომა (ø) 60X1100 მმ	თურქეთი ustun მოდელი არ გააჩნია	ცალი	50	35	1750	სურ #7
2	ციმციმა	მასალა -პლასტმასი ზომა - 95X240X280 მმ ± 5 მმ წონა - 0,8კგ ± 0,1კგ	მასალა -პლასტმასი ზომა - 95X240X280 მმ წონა - 0,8კგ	თურქეთი ustun მოდელი არ გააჩნია	ცალი	25	60	1500	სურ #8
3	საგზაო კონუსი	მასალა - კაუჩუკი ზომა - 385×900 მმ წონა - 4,7კგ±0,1კგ	მასალა - კაუჩუკი ზომა - 385×900 მმ წონა - 4,7კგ	თურქეთი ustun მოდელი არ გააჩნია	ცალი	100	60	6000	სურ #5
4	საგზაო ლენტი	ზომა 500მx80მმ	ზომა 500მx80მმ	თურქეთი ustun მოდელი არ გააჩნია	ცალი	50	14	700	სურ #6
5	საგზაო ნიშნები	მასალა-პლასტმასი ზომა - 280±5 მმ/390±5მმ წონა - 0,24კგ±0,02კგ	მასალა-პლასტმასი ზომა - 280/390 მმ წონა - 0,24კგ	თურქეთი ustun მოდელი არ გააჩნია	ცალი	20	15	300	სურ #2

6	საგზაო ნიშნები	მასალა - პლასტმასი ზომა - 280±5 მმ/390±5 მმ წონა - 0,24 კგ±0,02 კგ	მასალა - პლასტმასი ზომა - 280 მმ/390 მმ წონა - 0,24 კგ	თურქეთი ustun მოდელი არ გააჩნია	ცალი	20	18	360	სურ #3
7	საგზაო ნიშნები	მასალა - პლასტმასი ზომა - 380 მმX430 მმ±5 მმ წონა - 0,38 კგ±0,02	მასალა - პლასტმასი ზომა - 380 მმX430 მმ წონა - 0,38 კგ	თურქეთი ustun მოდელი არ გააჩნია	ცალი	30	18	540	სურ #1
8	საგზაო ნიშნები	მასალა - პლასტმასი ზომა - 280±5 მმ/390±5 მმ წონა - 0,24 კგ±0,02 კგ	მასალა - პლასტმასი ზომა - 280 მმ/390 მმ წონა - 0,24 კგ	თურქეთი ustun მოდელი არ გააჩნია	ცალი	20	18	360	სურ #4
9	საგზაო ბარიერი (სიჩქარის შემზღუდველი) შუა ნაწილი	მასალა - პლასტმასი, სიგრძე : 333 მმ სიგანე : 300 მმ სიმღლე : 40 მმ ბარიერის ნაწილებს ერთმანეთთან დასაკავშირებლად უნდა ქონდეს ჩამკეტები, უნდა ახლდეს სავალ ნაწილზე ლითონის სამაგრი საშუალებები, შესაბამისი პლასტმასით.	მასალა - პლასტმასი, სიგრძე : 333 მმ სიგანე : 300 მმ სიმღლე : 40 მმ ბარიერის ნაწილებს ერთმანეთთან დასაკავშირებლად აქვს ჩამკეტები, ახლავს სავალ ნაწილზე ლითონის სამაგრი საშუალებები, შესაბამისი პლასტმასით.	თურქეთი ustun მოდელი არ გააჩნია	ცალი	180	15	2700	სურ. #9 90 ცალი - ყვითელი, 90 ცალი შავი.

10	საგზაო ბარიერი (სიჩქარის შემზღუდველი) დაზოლოგება	სიგრძე :100მმ სიგანე : 300მმ სიმაღლე : 40მმ	სიგრძე :100მმ სიგანე : 300მმ სიმაღლე : 40მმ	თურქეთი ustun მოდელი არ გააჩნია	ცალი	40	12	480	სურ. #9 20 ცალი - ყვითელი, 20 ცალი შავი.
სულ ჯამი								14690	

შ.პ.ს."ექსიმ ტრაფიკი"

დირექტორი: კახა კახიძე

